



CANTIC

VAR

BUEZ SANT ISIDOR

Patron al Labourerien.

Var an ton ancien.

DRINDET Santel, prosternet dirazoc'h d'an daoulin,
Me ho ped da rei graçou d'ho servicher indign,
Da gomposi ur c'hantic en gloar hac en enor
Da Patron al Labourer, ar Zant bras ISIDOR.

C'hoant ha desir bras ameus, gant ar c'hraç a Zoue,
Da ziscléry d'ar Vretonet an tenor e vue
Al lec'h ma voa bet ganet, e gontre hac e vro,
E oberiou excelant, iveau e vertuziou.

Mes, Majeste adorabl, Doue, Roue an Trône,
Tranquilisit va speret, ha tomit va c'halon,
Ha roit dîn noch asistanç ebars em antrepris,
N'ouffen qet bea goassa, ervez ma meus avis.

Honont a guêr capital a Spagn, hanvet Madri;
E devoe an avantach guechal da brodui
Ebars en o fobourziou ur rosen precius,
An Autrou Sant Isidor, mignon bras da Jesus.

Bars en creis ar baourenteze ec'h antreas er bed ,
Ha demeus ar baourenteze e ressantas bepret ;
E goerent a voa roturier , a vadou dibourve ;
Mes leun oant a santelez hac a zoujanç Doue.

Represanti a rejont , gant peb rejouissanc ,
Ar rejeton admirabl en templ gant dilijanç ,
Ha var fons-badiziant e visqas ar zê venn ,
Pehini n'en deus souillet biscoas e nep moyen.

Isidor ê bet hanvet , balamour d'an enor
A zoogue ar Spagnolet d'eur zant all Isidor ,
Escop bet e Seville , pa voa var an douar ,
Hac erfin eus e vue recompanset er gloar.

E dad a voa sourcius , e vam a voa ive ,
Da instrui Isidor el lezen hac er fe :
Carante hac union , exempl mad ha doctrin ,
Eo a r   an ornamant eus o bue divin.

Ah ! pebes contantamant da un tad ha d'eur vam ,
Cavet digant un Doue ur buguel qen divlam !
Qen dou   , qen oboissant , qen pur ha qen parfet ,
Qen humbl , qer carantezus , qen docil , qen caret .

Pa deuas sqient dez  n , ec'h offras da Zoue
Ar faculteou santel demeus e oll ene ,
E volonte , e speret hac ive e vemoar ,
Hac e vuez en antier da bossedi ar gloar.

Ar sonjesonou frivol ne gavent qet a blas
E speret Sant Isidor , dont a r   d'o bargas ;
E galon oa siellet , na elle mann antren
A guement a oa control d'ar fe ha d'al lezen .

Ar sansou eus an natur oa gantân reglet mad ,
Eus an enoriou monden ne rè qet a etat ;
En ur güir , goell oa gantân mil ha mil guech mervel ,
Eguet dont da gometi james pec'het marvel.

Pa deuas gallout dezàn , hac én cresqet en oad ,
E tilezas e famill , e has da labourat ;
Evel ma oa ezomec eus a vadou ar bed ,
E renqas mont da gopra evit gounit e voued .

Evit gallout substanti ba beva e famill ,
En em laqas da vevel e ti un dijentil ,
Da di an autrou Vergas , eus ar guêr a Vadri ,
Den a galite huel , e has da servichi .

Ebars er brofession demeus a guir Gristen
Oa fidel ha ponctuel da viret e lezen :
Ebars er brofession demeus a Labourer
Oa fidel ha ponctuel da ober e zever .

Pell qent an de e save Isidor bep mintin ,
Ha dirac ar grucifi prosternet d'an daoulin ,
Gant ur barfejet ampar a gorf hac a galon
E rè d'an Autrou-Doue peden hac oréson .

Hoguen dre ur jaloui d'e vestr voe accuset
A enep guir ha rôson gant e gamaradet
Da vea lach , fenceant , disourci , dibreder ,
Ha na rè bemde c'houlou nemet coll an amzer .

Toret è oll , emeze , o c'horf gant al labour ;
Ne brise qet Isidor donet tam d'o zicour ,
Nemet bea red-dired bemde d'an ilizou ,
Hac ober e hipocris , laret chapeledou .

Ar mestr evel ma clévas an accusation,
A laras gant garantez : Isidor, va mignon,
Me ne meus qet ho cajet da laeres an amzer;
Rac-se bezit fideloc'h ur vech all d'ho tever.

Isidor a respondas gant un drêm gracius :
En despit d'an oll valiç eus an dud anvius,
Me servicho da guenta Jesus, Mab da Vari;
ENNAN ema va fisianç, va support, va appui.

Un deiz e c'has Isidor d'e labour divezat,
E vestr hac e partia d'e visita timat :
Eruet tost d'ar mezou, e velas daou ael guenn
O cundai an arer bars en creiz an dachen.

E vestr a laras neuze, sésisset gant eston :
Faus ê, evel a velàñ, an accusation ;
Me voar dre experianç ê faus an oll glémou
Zo grêt dìn a Isidor abeurs ar goal deodou.

Davantach c'hoas d'ar goude e vestr voe tourmantet
Dre an nerz eus an domder er parc gant ar sec'het ;
Mes Isidor en douar e c'harzou a blantas,
Hac eno, dre c'hraç Doue, ur feuteun a savas.

Unan eus a vugale e vestr quer a varvas,
Gant ur c'hlénvet violent, hac en resuscitas :
Quer bras voa ê garantez en andret ar beorien,
Ma vultipli ar bara da rei an aluzen.

Un de pa yê d'ar vêlin hac ûr sac'hat ganta ;
Dre ur scoulat morfontus e lêzas da scuilla
An anter eus e sac'hat da rei d'al lapousset,
En un andret en devoa an erc'h disoloet.

An dud pere a voa gantân a gommanç da c'hoarzin,
Da ober goab anezân ; mes Doue qent ar fin
A recompanç Isidor , a bê e garante ,
Rac carguet voe e sac'had dezân gant larguente.

Pa voe en oad avancet , vardo un trêgont vla ,
E choasas evit pried Mari a Gabeza ,
Ur grouadurez parfet hac a gare Doue ,
Hac en deussân servichet gant peb fidelite.

An ên a roas deze erfin ur c'hrouadur ,
Carguet a avantachou a gostez an natur ;
Mes ar maro diremed , dre ordrenanç Doue ,
A greis ar fleur eus e oad en lamas digante.

Goude deced o buguel , ar rest eus o bue
E conclujont assambles miret ar chastete ;
Ar yun , hac ar binijen , ar peoc'h , an orêson ,
Voa nouritur o ene , plijadur o c'halon .

Goude beza cunduet pel-amzer assambles
Ur vues ireprochabl ha leun a santelez ,
Pried santel Isidor a rentas he ene
Etre daouarn ar Verc'hes , ar Zent hac an Æle .

Ebars en ompinion a Zantes e varvas ,
Doue en e fersonach a rê miraclou bras ,
Hac ar bez e pehini voa e c'horf enterret ,
A voe gant ar bobl christen a bep tu enoret .

Oust'an disposition , ar sêson , an amzer ,
Eus ar glo pe a sec'hor , en Spagn en e feder ,
Rac e touguer en ezom er Processionou
Gant calz demeus a brofit bepret he religou .

Allas ! cetu Isidor e-unan dilezet ,
Cetu maro e vuguel ; ha maro e bried ;
Cetu muntret e galon gant geus ha gant anvi ,
Tristidiguez , huaoad , glac'har ha melconi .

Elec'h dont da hirvoudal ha da scuilla daëlou ,
Evel ma zê ar c'husum bars e sort rancontrchou ,
E souffr gant patientet e boan hac e anqen ,
Hac o sellet an énvou e parlant evellen .

An arret so positif , ur vech è ret mervel ,
Renta hor c'hont da Zoue , ar bed-màn dilezel .
N'en dom qet deut assambles , na n'e dimp qet ive :
An eil christen a renqo liena eguile .

Mab uniq an Eternel da guenta a varvas
Hep e veza meritet , guechal var al Lamgroas ;
Biscoas aboe ar maro na bardonas da zen ,
Nac a dra sur ha certen na bardono biqen .

Hon amzer var an douar n'en dê mert un ure ,
A boan voar deut , na ranger partia adare :
N'en deus netra permanant , qement zo a dremen
Ebars en eur bêr instant evel eur vogueden .

Me offr déc'h , o va Jesus , va glac'har , va zourmant ,
Bars er gloar hac en henor d'ho Passion sanglant :
Cetu me brêma chommet , allas ! digompagnon ;
Enoc'h emàn va fizianç va c'honsolation .

C'houi crouer d'an énvou ha crouer d'an douar ,
Infiniit en majeste , hac infinit en gloar ;
Mestr ha Roue absolu demeus ar firmamant ,
Qement tra so en antier ouzoc'h apparchant

Goude beza anduret bars epad e vue
Calz a boan hac a fatiq , e plijas da Zoue
E fin dont d'e retira eus ar bed trubuillus ,
Evit beza en ênvou da james evurus.

Er bla mil cant tri-uguent ha dre vloas c'hoas gante ,
Ebars en guir penitant e rentas e ene ,
Goude beza recevet e oll sacramanchou ,
Exortet e vignonet , ha grêt e adieuou.

E gorf a voe enterret gant calz a velodi
Bars en berret Sant Andrean er guær eus a Vadri.
Nombr bras a belerinet a deu ato bemde
Da implori e sicour , da visita e ve.

Eun daou-uguent vloas goude en em aparissas
Da un Itron vertuzos , ha dezi e laras :
Procurit d'am c'horf , Itron , ur plaç enoraploc'h ,
Ila dirac ar Vajeste m'em bo sonch ac'hanoc'h.

An Autrou a Tolede gant nombr a vêleyen ,
Var ar plaç , a zisqennas ar stol en e guerc'hen :
Pa voe fouillet an andret ma voe bet enterret ,
E gorf h̄p corruption en antier voe cavet.

Qement fleuren en antier a gresq er jardinou ,
Pa deu an nevez amzer gant o oll parfumou ,
Ne roont qet assambles ur c'hoes qen excelant
Evel a rentas neuze ar c'horf demeus hon Zant.

Gant calz a zevotion ha calz a vodesti ,
Voe bed a nos transportet da Ilis vrás Madri ,
Bars en Chapel an Escop , en Ilis Cathedral ,
Elec'h ma touguer dezàn un enor special.

Ebars en dranslation eus e gorf precius ,
Voe grêt un nombr infinit a fejou merveillus ,
An oll gleyer o-unan da son a gommanças ,
Da galz a dud afflijet ar yec'het a roas.

Dre gontinuation e rê bemde c'houlou
En andret e vignonet nombr bras a vurzudou ;
D'ar mud, d'an dal, d'ar bouzar ha d'ar paour impotant,
Ouz e bedi gant fizianç, e roe soulajamant.

An drouc-speret a glasqas un nos precipita
En finfond an abimou un den devot deza ,
Abalamour ma veve bars en pec'het mervel ,
Ha ma voa dre-conseqant d'e Zoue infidel.

Ar Zant o aparissa a deu da chasseal
An diaoul trist ha confus d'e brisoniou teval ,
Ha gant ur woes a zouçter a bedas e vignon
Da ober incessamant ur guir gôvession.

Ur fumelen afflijet sez vloas gant ar c'hlénvet ,
Isabel voa he hano , ha Tellez lezhanvet ,
O visita'r sepultær eus ar Zant glorijs ,
A recevas ar yec'het a drugare Jesus.

Sant Isidor o tonet den em apparissa
D'un esclao eus an Turqi en errol o veva ,
En inspiras da renonç a gress d'e falz lezen ,
Ma teuas da embrassi hini ar gristenien.

Pêvar den clân afflijet gant clénvet corporel ,
Rentet en extremite en danjer da vervel ,
O touch hepqen al lien en devoa lienet
An Autrou Sant Isidor , o devoa ar yec'het.

Cessomp bremàn , va fluen , ha lezomp a goste
Ar rest eus e viraclou , rac calz zo aneze :
Ma ve ret deomp en antier donet d'o recita
Na vemp qet prest er vech-mâ da zont da finissa.

Nê qet eta hep rôson , nac hep bout meritet
E teuas ar pab Gregor , a hano pemzecvet ,
Da laqat var catalog ar zent all gloriis ,
An Autrou Sant Isidor , favori da Jesus.

Cetu echu an histor gaer demeus e vue ;
Imitomp oll anezi gant fe ha carante :
Mar heuillomp e exemplou hac e vertuziou rar ,
E vezimp oll evurus un de hep laqat mar.

Tosta amàn , den impi , ha yen eus a galon ,
Deus da scol Sant Isidor , disq ober orêson ;
Gra dre imitation bep nos ha bep mintin ,
Da exerciç a Gristen humblamant d'an daoulin.

Tad superb ha colerus , touerien da Zoue ,
Heuillit douçder Isidor hac e humilite ;
Pe seurt profit hoc'h eus-u diouz ho blasfêmou ,
Nac oc'h enoriou monden , nac oc'h oll bombançou .

Un habitud criminel a so ebars er vro ,
Da brofani alies ar Sulioù , ar Gouëliou :
Isidor o implije da servicha Doue ,
Oc'h exerci an euvrou demeus a biete.

C'houi , bugale dinatur en andret Mam ha Tad
Perac oc'h-u qen cruel , qen cri , ha qen ingrat
Isidor a voa docil bars en qever e re ,
Ouz o zrêti gant enor , respet ha carante.

Peguenlies e pec'her siouas dre injustiç,
Dre anui, dre gourmandis, ha dre an avariç?
Isidor a bratiq̄e ar vertuziou contrel,
Hac a r̄ê d'ar viçou-mâ bep moment ar brezel.

Eur re benac a laro : va foan so re galet
Evit gallout observi ar yuniou comandet;
Isidor a observe gant ur galon joaüs,
Nonobstant e fatigou ha labouriou grevus.

Yaouanqis, bezit modest ebars en ho tillat,
Me ho conjur da veva bepret herve ho stat,
Isidor a voa contant eus e gondition,
Ar gloar voe poeson dezàn, ar bed-mâ ur prison.

Ma carfe al Labourer bemde var e labour
Qemeret Sant Isidor evit e vezilour,
E velfemp ar vedisanç, ar c'homzou goloet,
Soudē en guir charite ha purete chenchet.

Mes na veler, er c'hontrel, nemet ambition,
Finesse, ha trompleres, ha pep seurt trahison :
Ar bed-mâ ê hon idol, ar c'hig, an ærouaot,
Ha na sonch qasi nicun ebars er jujamant.

En ân, pa zân da bournen var bord ar meneziou,
Ne glêvân nemet disput, dre oll bars er parcou,
Medisanç, tamaleres hac injurios piqant,
Blasfêmou, leoudouet, chansoniu insolant.

Cetu aze ar motif, ar sujet, ar r̄eson,
A denn coler ha venjanç Doue, Roue an Trône,
Hac a rent infructuus ha vén an oll boaniou
A souffr al Labourerien bemde er c'hampagnou.

En eur dremen , selaouit eur guelennadures ,
Mar doujit ho coustianç hac ho silvidigues ,
Dilezit ho coal vue , ha pratiquit ar mat ;
Allas ! goude ar maro e vezot divezat.

Na gollit qet a gourach , resistit constamant
Ouz an tentationou demeus an ærouant ,
Suppliait Sant Isidor da zont d'ho proteji ,
Hac e vezo hep douetanç déch oll guir minic'hi.

En paros Pleudaniel , escopti a Dreguer
Bars en douar an Autrou ar Marqis Pelletier ,
En ur Chapel dediet da Santez Helena ,
Ema portret Isidor ; deut oll d'e vizita.

Bep lun Fasq ar Pantecost , dre gonje hon Prelat ,
E rîr eno ar memoar a Isidor hon tad ;
Na donetan qet na devy ar bobl en afloanç
En deiz-se d'e saludi gant pep sort reveranç.

Un nombr bras a viraclou a ra Doue dreizan
D'ar re a deu d'ar Chapel evit e visitan ;
Rei a ra pep plijadur ha consolation
Da guement den en antier en ped a vir galon .

Un den ar principala eus a Pleudaniel ,
Tremen a ran d'ar silanç hep donet d'e henvel ;
En devoe un accident a greiz e joaüsdet ,
Al lun Fasq ar Pantecost , ur bla so tremenet .

Var dro nao heur-anter voe hep comz na qerzet
Ar bed oll en condaone hac ar vedecinet ,
Pa voe goestlet d'ar Chapel , e commanças parlant ,
Ma recevas ar yec'het dre veriou ar Zant .

Ur buguel bian hanvet Mazeau an Hegarat ;
Mab Ezuant , ha Fant Callec aus a Enes Briat ,
En em veuzas dre valeur en ur varazad dour ,
En gouelen diveza , hep gallou caout sicour.

Pa voe entre e divrec'h gant e vam astennet ,
Qement den e voa presant en crede decedet ;
Mes Doue hac Isidor o deus bet imploret ,
Hac o buguel en instant a so ressuscitet.

Dre un destin maleurus , Fant ar Borgn a Dreguer ,
E deus lajet c'hoec'h buguel , allas! bars en lumier ,
Hep beza bet ar boneur da receo badiziant ,
Nonobstant e oll fatig , e foan hac e zourmant.

En em gavet ê brazes na divar ar seizvet ,
D'an Autrou Sant Isidor ê bet en em voestlet ,
Ha dre e brotection e qichen hor Jesus ,
E deus bet ur guilioud hac a so evurus.

Guillarm Janvier , habitant eus a Pleuveur-Gotier ,
Var ar guele aflijet gant clénvet ha miser ,
O veza en angoni , gant an oll condaonet ,
Pa voe goestlet d'ar Chapel en devoe ar yec'het.

Eur buguel a Peuverit , impotent er c'herset ,
O visita Isidor a so bet goellaet ,
Diaguent ne remue nemet var e flac'hou ,
Neuze e yas e-unan hac o lezas eno.

Eur buguel a Pleuvian , o chom bars en arvor ,
Goelc'het gant dour vertozus feunteun Sant Isidor ,
Elêc'h ma voa diaguent notet ha daoubleguet ,
En deus , dre c'hraç un Doue , recevet ar yec'het.

Un nombr bras a viraclou en deus c'hoas operet
Aboe ma zê er c'hanton gant ar bobl invoget ;
Ma ~~xe~~ ret o raconti oll en particulier ,
E teufet da ramplissa nombr bras eus a baper.

Poent bras ê demp finissa hep avanç davantach
Arretomp amâ bremân , concluomp hon ouvrach
Mar leqeomp en pratiq ar pez on eus scrivet ,
E vezimp er Barados un deiz oll curunet.

Supliomp a vir galon hon Tad Sant Isidor ,
Da veza hon Avocad hac hor guir Protector ,
D'hon presanti da Zoue en articl ar maro ,
Ha da c'honit ar victor var an oll diaoulou.

Dirijomp oll hon moeziou d'en pedi assambles
Da apesi un Doue irritet qellies ,
Da zivoal hon c'horf ato , da zivoal hon ene ,
Ha da veva direproch ar rest eus hor bue.

Deut etat , oll Vretonet , deut oll a bep canton ,
Deut da Zantes Helena da bedi hor Patron ;
Rentit dezân hoc'h homach , hoc'h henor , ho respect :
Mar en pedit gant fianç e vezot sicouret.

Sant Isidor so ivø en Ilis Plouigno ,
Guir Batron ha guir Vignon Labourerien peb bro :
Deut d'en pedi , Bretonet , eus a greis ho calon ,
Hac o pezo gant Doue e venediction.

FIN.



GUERZ

VAR UR PLAC'H A VEPRISAS E ZAD HAC E MAM.

Var ton : *Guerz an Danserez.*

CLÉVIT, cōs ha yaouang, selaouit, Bretonet,
Un exempl pitoyabl eus a ur Plac'h debordet,
Pehini a veprise e Mam coulz hac e Zad,
Doue e funissas en compaguinez vad.

E c'horf a voa galant, merc'h voa d'eul labourer,
Ouspen ma voa gloriou, meurbet e voa fier,
E zad eus e vicher a voa ur vigneron,
A chome e qichen ar guær eus a Chalon.

Evel ma voa plac'h coant, balamour d'e guenet,
Un den a galite en deus-hi eureujet,
En devoa nombr a vadou hac eus a binvidiguez,
Ma voa re absolu p'oë laqet da vestres.

Aben c'hoec'h vloas goude m'oar plac'h-mâ eureujet,
E zad ive e mam a voa paour bras rentet;
Hac int sònjal o daou dont d'en em resolvi
Da vont da di o merc'h en esper chom ganti.

Pa errujont en e zi o deus-i goulennet,
O sonjal gant joa vras e vijent recevet,
O tisclérya penaus voaient e mam hac e zad
Ma teu o merc'h debordet ractal d'o scandalat.

Ar paour qès a dad , o clasq en em sicour ,
A dennes prest e doq : bonjour, va merc'h, bonjour ,
E mam a zaillas pront evit e amibrassi ,
Mes boutet voe ganti ractal var leur an ti.

Sortiit , emezi , hac it prest alesse ;
Me ne meus qet a dud hac a ve quer paour-ze ;
Mez ameus ganêc'h-u , fê eo din-me clêvet
E vec'h din tad a mam ; mes n'ho couzanvan qet.

Evel ma voa , nos-du e houlenjont loja ,
Balamour da Zoue , er c'hracu da viana :
An ingrates neuze a ordrenas ober
O c'has eus e bisach pront da di e fermier.

Rei a ras en e zi fest ha bal an nosves ,
En amzer ma edo e zad e mam iveau
Er c'hraou var ar c'holo gant naon en o c'halon ;
Goude rei o danves d'e laqat da Itron.

Mes Doue ne fell qet dezàn e ve netra cuzet ,
A bermet en nôsves-mân ma vije punisset :
Qeit ha m'oa o tansal memes e creiz an danç ,
Gant e c'hompagneuz , e varv en o fresanç .

Cetu aze ar fin eus ar plac'h ingrates ,
Goude meprizout e zud. M'ho ped , laquit eves :
Calz a ra evel houmân , rac beza zeus merc'het
N'o deus evit o zud nac enor na respet.

M'ho ped , abeurs Doue , oll bugale yaouanq ,
D'ho tadou , d'o mamou bezit oboissant ;
Dougit enor dezo ha deut d'ho respecti ,
Jesus ne vanqo qet dont d'ho recompansi.

FIN.



E Montroulez, e ty LÉDAN, rue ar Pave.